

Universitätsbibliothek Wuppertal

Linguarum Vett. Septentrionalium Thesaurus Grammatico-Criticus Et Archæologicus

Hickes, George

Oxoniae, 1705

Widmungsbrief

Nutzungsrichtlinien Das dem PDF-Dokument zugrunde liegende Digitalisat kann unter Beachtung des Lizenz-/Rechtehinweises genutzt werden. Informationen zum Lizenz-/Rechtehinweis finden Sie in der Titelaufnahme unter dem untenstehenden URN.

Bei Nutzung des Digitalisats bitten wir um eine vollständige Quellenangabe, inklusive Nennung der Universitätsbibliothek Wuppertal als Quelle sowie einer Angabe des URN.

[urn:nbn:de:hbz:468-1-1559](https://nbn-resolving.org/urn:nbn:de:hbz:468-1-1559)

CHARLWOODO LAWTON,
ARMIGERO, JURIS-CONSULTO,
Et Foris in Juridicis litigantium Patrono,
GEORGIUS HICKESIUS, S. P. D.



DE Linguarum Veterum *Septentrionalium* Ufu & Dignitate ad *Bartholomæum Showere*, quas scripsi, Litteras, ad Te legendas mitto, *Charl. Lawtone*, quo interveniente, mecum amicitiam Is iniit, inquamque ita colere & fovere voluit, ut Illi, quam qui maxime, familiaris & conjunctus essem. Meminisse jam juvat de variis argumentis sermones, quos nunc in *prædio* Ejus *urbano*, nunc in *rustico* habuimus. Speciatim eos recolere delectat, quos mecum ferebat de fontibus Juris Civilis *Anglicani*; de Sacerdotio & Regno, five de Rep. Ecclesiastica & Civili; de Patria, pro qua nemo bonus dubitet mortem oppetere, si ei sit profuturus; & de Patriæ vero amore; de causis & signis cadentis Imperii; de Existimatione populari; de Veri Justique arcanis viribus; de Principiis Boni & Mali, ad quæ Humana & Christiana Vita instituenda est; & de Inhonesto isto Vitæ genere, quod licentiosi homines Reip. tam Civilis quam Ecclesiasticæ pestes vivunt, principiis illis soluti, ad quorum normam se suosque mores fingere & componere & Philosophia & Theologia docet. De his & hujusmodi materiis, quum suo more (quem nosti) solide & acute disputans animi sui sensa exponeret, equidem nescio an majoris judicii, an ingenii Hominem se esse ostendebat. Crede mihi, *Lawtone*, cum delectatione semper, & non raro cum admiratione, eum in *Quieto* dicendi genere fermocinantem audivi; In *Contentioso* vero & *Forensi*, quam dicendi peritus, quam fervidus & nervosus orator, denique quam faustus & fortunatus causarum propugnator erat, norunt Tecum, qui Forum frequentant, universi; præsertim Clientes ejus, qui tantum non omnes, Eo Defensore, Victores à judicio abire soliti, id maximo suo commodo senserunt. Quam juris etiam peritus erat, quos scriptos vivus edidit, libri monstrant; & quos scripturus etiam erat, itidem demonstrassent, si D. O. M. qui suum cuique vitæ terminum definit, longiorem Illi vitam indulgisset. Nosti enim consilium quod nobis aperuit, de edenda altera parte Libri sui, quem inscripsit *Cases in Parliament*; & de scribendo Tractatu *De*

Jure Criminali, quod Forenses nostri *Jus Coronæ* vocant. Ad quem quidem condendum tractatum, quæ opus essent, colligere cœperat, Defensionum laboribus, & Senatoriis muneribus tandem (quod optabat) liberatus, id operis *Architectonica* manu auspicatorum. Mitto dicere quam charus Amicis, & quam gratus Concivibus suis Exoniensibus erat, qui jam tertio, cum in extremis ageret, eum Procuratorem eligebant, qui in Senatu populi *Anglicani*, quem *Domum Comm.* nominamus, vices suas gereret. Quod Te attinget, *Lawtone*, ob eas rationes propter quas Ille Te, Tu Illum unice amasti, nempe ob ingenium, morum suavitatem, honestatem vitæ, humanitatem cum beneficentia junctam, & qui splendentium virtutum fere omnium parens est, divitiarum, quas maxime liberali manu non dispensavit dicam, sed honestissime dissipavit, contemptum vere *Christianum*. Quapropter per *Showeri* nostri semper charissimos Tibi manes, perque amicitiam quæ Tibi Illique communis fuit, oro Te, obsecroque, *Lawtone*, ut *Dissertationem* hanc nostram, qualis qualis est, non tamen ut nostram, sed ut Illius potius, æquo & benevolo animo accipias: ut illius, inquam; quia quemadmodum imago non amplius pingentis, sed ejus, qui pingitur, esse dicitur; sic ea Epistolarum & Epistolarium Librorum est natura, ut consuetudine, quæ & in rep. literaria vim legis habet, non tam scribentium, quam eorum, ad quos scribuntur, esse habeantur. Præterea, Illo auctore, scripta est hæc *Dissertatio*, siquidem ejus argumentis expugnatus, quibus id genus tractatum scribi oportere, Te audiente, contendebat, eam in me scribendam suscepi. Quam jam prælo prodituram Omnibus qui civem in Eo bonum, & bonarum litterarum egregium fautorem sibi patriæque ereptum dolent; Tibique imprimis, apud quem magnum Sui desiderium reliquit, mærens dat, dicat, dedicatque Tuus *Georgius Hickeysus*. Vale.

Dabam Londini
xix. Cal. Jan. MDCCII.